

KABA TJURITO

SITI SJAMSI AH

Amat baik dibatja — suatu kedjadian
jang sebenarnja, guna mendjadi sari
teladan kepada ibu dan bapak, serta
anak anak muda dan gadis gadis

Tjetakan ke IV

DIKARANG OLEH:

SJAMSUDDIN ST. RADJO ENDAH
KUBANG PUTIH

3 13
D

C. V. Penerbit „INDAH” Bukittinggi.

MILIK PERPUSTAKAAN
BALAI BAHASA PADANG

NO. HIBAH
DARI BAPAK LUY MAN ALI
UNTUK BALAI BAHASA PADANG

MILIK PERPUSTAKAAN BALAI BAHASA PADANG	
DITERIMA TEL :	6 SEPTEMBER 2000
SUMBER / MAREK :	H
KOLEKSI :	
No. INVENTARIS :	3448/20/2000/S.1 (2)
KLASIFIKASI :	899.223.13

KABA TJURITO

SITI SJAMSIAH

Amat baik dibatja — suatu kedjadian
jang sebenarnya, guna mendjadi sari
teladan kepada ibu dan bapak, serta
anak anak. mada dan gadis gadis.

Tjetakan ke IV

DIKARANG OLEH:

SJAMSUDDIN ST. RADJO ENDAH
KUBANG PUTIH

C. V. Penerbit „INDAH” Bukittinggi.

part. I 10/19

Hak pengarang pada penerbit

part. I merapi bkt.

Siti Sjamsiah

LARI DARI KAMPUNG

Fasal I.

Alai-alai tabang ka alai
tabanglah lah pipik duo tigo
kabalah lamo tabangkelai
kini diulang ulang pulo

Gadang aia Pintjuran Landai
tarandam batang puluik puluik
tampak nan dari pandjadjaren
bukan hambo tjadiak pandai
ganti panggojang gojang muluik
kok huntuang djadi paladjaran

Tambilang dirumpun langsek
tasisik dilijang lantai
dibitang sado nan dapek
nan tingga untuak nan pandai

Daogakan malah dek tuan karena tjurito urang dahulu
dalam ranah kampuang Dalam kalau diliek maso itu negari
alun sarami kini balun ado kureta api negari rimbo maso itu
ado saurang parampuan banamo siti Djamilah suami banamo
Bagindo Baka.

Lorong kapado si Djamilah umua nan baru tigo puluh
tuo balun mudo talampau injo baranak duo urang anak sarupo
anak balam saikua batino saikua djantan nan tuo anak laki
laki banamo si Kabarudin dek mande sarik mantabuik disabuik
sadjo pangka namo diimbau namo si Bujung Karuik nan ke-
tek siti Sjamsiah baru baumua acam tahun nan tuo bnumua
sapuluah tahun.

Birauari siti Djamilah sedang duduk dihalaman duduk
bamanuang manuang sorang hari nan sedang tengah hari sa-
dang tabunta bajang bajang sedang linduang saliguri sedang
litak litak ajam sedang langang urang dikampuang sedang remi
urang dibalai tedanga ajam bakukuak bunji ombak badasau
dasau.

Mandanga bunji nan bak kian laruik hati maso itu takana huntuang bahegian hiduik mularaik bakapandjangan bak bakain tigo heto dielo kaateh tasingkok kaki dielo kebawah tasingkok kapalo maliek djuo kalauik bunji ombak merusuah hati aia mato badarai.

Gadang aia di Sitjintjin
tak dapek urang kapakan
banjak urang suko misikin
nan labiah bana tibo dibadan

Si Amaik Sutan karunia
sadang manjabik rumpuik
sadjak mulo lajfa kadunia
balun mantjubo sanang hiduik

Rami pakan Lipek kain
rami nan sampai patang patang
kunun bangsaik misikin
kurang tolong gunolah hilang

Aso Solok lah duo Salajo
tigo Padang djo Aua Duri
kalau batenggang djo nan kajo
badjariah dahulu mangko babari

Anak buajo dalam tabek
mati ditimbo rang Sitjintjin
sadang nan kajo bakiabek
baalah pulo suko misikin

Lapeh nan dari udjuang pandan
bandak mandjalang tapi pantai
takana huntuang malang badan
aia mato badarai darai

Sadaog banjanji njanji sorang aia mato badarai darai susah hati maso itu hiduik mularaik bakapandjangan dapek pagi baolah patang dapek patang baalah pagi adang makan adang tidak badan kuruh kurang makan pikiran kusuik tiok bari indak ado babati sanang bakain lakek dibadan babadju ramba tumamba diliek anak nan badua laruik tulang mamaktakan

nan labiah bano si Sjamsiah muko putjek tidak badarah mato tjakuang libienjo pandjang tulang didada elok dibilang sarupo maik badjalan.

Kok ado urang manjarajo manjuruah mamipih lado dapek makan karak babiak lorong kapado ibu djo bapak urang sapa-ham kaduonjo sarapo laku parangai samo pambangih djo pam-berang tidak ado bamuluik manth kalau salah anak injo ba-rapo ariak sipak taradjang tangan lakek kekipun lakek apo nan dapek dilatjuikkan dapek kaju kaju dirambakkan babidang badan kanai latjuik, tidak ado manaruh ibo tidak ado masaruah santun samo pambangih djo pemberang malang anak nan baduo tidak bansaik ditanggungkan tangan djo kaki di-tanggungkan pulo, "bak karakok tumbuhan dibatu - hiduik sagan mati tak namuah."

Duduak barampek ateh andjuang
singgah kabawah makan siriab
malang bana nasib si bujuang
nasi dimintak pangala buliah

Kan ijo samaso itu huntuang malang si Bujuang Karuik antah kok hari tidak elok antah katiko nan buruak sadang batanak didapua manolong adiak upik Sjamsiah maambua ajam ateh pagu ajam gadang Bagindo Baka ajam pautan pamenan hati malompek ajam keparuak nasi tatunggang kadalem abu abu tidak ado nan elok lai nasi batampung djo abu maliek rupo nan bak kian mambangih si Bujuang Karuik dirambah ajam sakutiko tibo ditungku kapsalo ajam patjah benak ajam nantun maambua ambuakan diri bak tjatjang kapaesasan matilah ajam sabanta itu maliek rupo nan bak kian manjasa si Bujuang Karuik takuik kapado ibu djo bapak alamaik mati badan denai manangih injo ketakutan hilang aka ameh pikiran tidak tantu akan disabuik 'kan ijo upik Sjamsiah manangih injo ketakutan dituruik bapak katapia pasia sadang maelo tali pukek di kabakan parasaan.

Lah malang kami baduo nasi ditanak lah tabuang tabuang kadalem tungku tidak dapek diambiak lai tjilako ajam nan kuriak nasi dilendo ajam gadang kinilah mati ajam nan-

tun mati ditokok diadjo den bakato sedang manangih mang
gigia badan katakutan manangih taisak isak maalum injo pa-
dja ketek.

Mandanga kato si Sjamsiah sirah muko bapak injo mam-
bangih bapak Sjamsiah sirah mukonjo kabangisan mano kalia
nan baduo "anak tjilako kalia, anak singiang ngiang rimbo
anak mantjatjak anak mantjatjau", maliek bapak sedang mamba-
ngih maariak maantam tanah raso dimakan anak kaduonjo
ramuah mambunuh mati mati si Upik siti Sjamsiah balari
mantjari Bujuang Karuik kakak kenduang si Sjamsiah tampak
kakak kenduang si Sjamsiah tampak kakak si Bujuang Karuik
duduk manggigia katakutan.

Manolah tuan adjo Karuik bapak kito sangak mambangih
kini mantjari adjo kok dapek dibunuh mati mandanga kato nan
bak kian bakato si Bujuang Karuik bakato sedang manangih
manangiah taisak isak mano kau, upik Sjamsiah elok pulang
adiak dabulu denai lari dari siko mambao huntuang kamano
pai dimano sadjo garak Allah.

Luruib djalan kasikapak
basimpang djalan kamuaro
pado marasai dibunuh bapak
elok mati kadalam rimbo

Seruas djo Rambatan
kaduo pakan Patapajan
iko baru gadang badan
banjak mananguang parasaan

katonjo si Bujuang Karuik

Mandanga kato nan bak kian dipaguik lutuik dunsanakojo
mambangih mangaruag pandjang hambo nan usah tuan tinggakan
kamano tuan hambo manuruik tidak hambo babaliak pulang
takuik djo bapak sarato mande hambo usah tuan tinggakan
bawo kamano tuan pai kabukik samo mandaki kalurah samo
manurun satapak tidak hambo batjarai mati tuan mati hambo
takuik batamu ibu djo bapak tuan lah tabu djuo lakek tangan
bapak kito tidak dapek mamintak hampun bana tak buliah di
sabuik kok lakek taradjang dibadan tigo hari tak pandai tagak

bapak njato panaik darah mande njato pambangih rembuik dikapalo ditjabuik ditjaktak lihia djo kuku pandjang sabalun pansan alun baranti tidak dapek dilarai urang urang melerei dikato katonjo si Sjamsiah mandanga ratok adiak kandung ibo batjarai djo adiaknjo kok pulang si Upik maso itu alamaik batjarai njao djo badan bakato si Bujuang Karuik kalau baitu kato kau upik elok badjalan kito kini sabalun hari patang bana.

Badjalan injo kaduonjo "badjalan balari lari andjiang" tauk dikadja babab injo dituruik labuah nan gedang dituruik kamano hampu kaki "asa sabuik nak tarapuang - asa batu nak tabanam" disarabkan untuang pado Allah badjalan djuo batjapek tjapek badjalan baduo baradiak sabuah tidak nan dibao badjalan djo hempo tangan kok tibo haus badan diminum air dalam banda lah tampak batang djambu manjirah buah dibatang dipilih djambu nan rareh dimakan djambu ubek litak duaduk baduo dirumpun djambu.

Kan to samaso itu lalu urang didjalan diliek anak nan baduo babadju tamba tumamba ruponjo kuruh kurang makan maliek parasaan anak nantun ibo maliek urang nan lalu disapo si Bujuang Karuik mangapo kalian disiko apo mukasuk datang kamari katonjo urang tuo nantun mandanga kato nan bak kian bakato si Bujuang Karuik bakato balbo hati manolah anduang urang disiko.

Kami datang dari djauh bapak djo mande tidak ado tidak ado njinjak mamak.

Kok lai parimbo urang disiko
siang siang malah padi
kok lai paibo urang disiko
tompang tompangi malah kami

lakek daunjo batang kinari
tumbuhjo ditapi djalan
sabab kami datang kamari
dibao huntuang djo bagian

mandanga kato si Bujuang Karuik leruik pikiran urang nantun bakato rang tuo nantun mano kalian nan baduo hari su

dah barembang patang elok bamalam dirumah kami usah badjalan tengah malam mandanga kato nan bak kian sanang hati kaduonjo kalau baitu kato anduang sananglah hati badan kami duduk baduo dalam dapua dek rang tuo sangaik panjang ditambah nasi dalam kempia nasi dingin labiah pagi disuruah makan kaduonjo dek anak baduo paruik nan sangaik lapa bana lah sabari indak makan habiah nasi dalam kempia lah sudah makan anak nantun mantjitjik paluah dibadan lunak sagalo pasandian dikapalingan nasi nan dimakan talalok anak kaduonjo.

Maliek rupo nan bak kian ibo maliek padja nantun laruik hati mamandangi balinang aia mato hari samalam malam nantun tidak tadjago anak kaduonjo talalok sampai pagi dek sangaik latiah badjalan alah siang tjandoujo hari manjinsing paneh ditimua bakitjau murai ateh kaju djago si Bujuang Karuik djago pulo si Sjamsiah badjalan turun kasungai dibasuah muko anjo lai badjalan mamintak izin ijo kapado punjorumah bakato rang tuo nantun usah anak badjalan dahulu nantikan nasi ditanak makan anak dahulu kan io si Sjamsiah ditolong mananak nasi lah sudah nasi ditanak disuruah makan kaduonjo dibungkuhi pulo nasi dikempia untuak makan patang hari dibari pitih ampek uang.

Badjalan bahati suko tidak tabado sanang hati baminjak muko kaduonjo mamintak sukur pado Allah dapek tompangan urang panjantun guno djo apo akan dibaleh Allah sadjo nan tabu.

Badjalan injo kaduonjo badjalan bartiang iriang dituruik labuah nan pandjang tampak padati dari djauh padati kabau baatok kadjang badjalan bagageh gageh balari lari andjiang mangadja padati urang naatun diiriangkan padati dari balakang dek lamo lambek didjalan bakato tukang padati diliek dipandangi sadjak tadi wa ang mairiang dari balakang handak kamano kalian apo mukesuik badjalan djauh rantau mano kalian turuik katonjo tukang padati.

Mandjawab si Bujuang Karuik kami nan datang dari djauh mambao huntuang garak Allah sarabkan untuang ka nan satu handak kamano garan mamak bao manompang malah kami bao sairiang kami didjalan.

Mandjawab tukang padati kalau baitu kato ang turuikkan hambo dari balakang hambo nan handak ka Padang maribao karambia djo minjak manis lorong kapado adlak ang nantun badannjo ketek baru kakinja lamah badjalan tenggekkén sadjo dipaleh paleh dipaleh paleh nan dimuko mandanga kato nan bak kian sananglah hati si Bujuang Karuik didukuang adiak keateh padati disuruah duduak dimuko si Bujuang Karuik mairiang dari bawah ditojong maalau kabau nantun hari basarang patang djuo patang badjawek sandjo sandjo badjawek dengan malam tapasang lantera padati kabau badjalan siang malam ado sabanta antaronjo lah nampak tjandonjo lepau ialah lepau parantian parantian padati suruik lalu to dipasa Lubuak Aluang

Alah sudah kabau dibongka dipauikkan kabau dipasangan badjalan masuak kadalam lepau dibao padja nan baduo bakato rang lepau manolah adjo Hitam anak siapa adjo bao mandanga kato nan bak kian galak tasanjum tukang padati.

Mandjawab injo maso itu ikolah anak dapek didjalan injo nak pai marantau marantau ka tanah Padang ibu djo bapak tidak ado padja mularaik kaduonjo barilah nasi sabenggo sorang hambo mambajja hutang makan disanduakkan nasi kaduonjo nak kanjang injo makan urang lepau lai paibo lai panjantun djo urang dagang.

Alah sudah makan djo minum laloklah urang dalam lepau duo kali ajem bakukuak tjukuik katigo hari siang tadanga abang dari musadjik bunji abang maraju hati djaolah urang samuanjo ramilah lepau pagi nantun nan makan makan djuo nan minum minum djuo bunji galak baderai darai bamatjam matjam patuturan mealum kato dalam lepau ka Atjeh bahaliak hari ka Djawa barulang makan urang manimbang dilandarat injo mabukum dalam lepau.

Lorong kapado mak Hitam tukang padati ka Padang di pasang kabau dipadati kabau badjalan anjo lai badjalan bairiang iriang bairiang sepuluh itua babarih dalam labuah bak ulando pai parang setengah padati dari darek setengah datang dari Bukittinggi ado nan datang dari Solok samo sarangkek padjalanan manudju nagari Padang ado banjanji tjero darek ado barabab djo basaluang bunjt ganto tingkab ba-

tingkah ganto gadang djo ganto ketek adang adang tadanga tinggi adang adang tadanga randah ganto maraju baibo hati nan labiah bana rantjak ganto ganto si Pono rang Padang Pandjang dek lamo lambek didjalan lah tibo dikampuang tabiang barantilah padati samuonjo baranti malapeh arak dibari makan kabau padati disasokkan kadalam banda makan urang kadalam lapau lapau gadang ditapi labuah.

Kan io si Bujuang Karuik duduk bamanuang dilua du-duak baduo djo adiaknjo maliek urang nan banjak diimbau makan kaduonjo ibo maliek padja nantun banjak nasi dibalikan dek ibo urang malieknjo ado satengah mambari pitih.

Sanan bakato Radjo Medan mano kito rang padati sabalun hari patang bana elok barangkek kini kini nak lakeh sampai di Padang dipasang kabau babaliak samo badjalan samuonjo barapo katjikkak garah garah ba ati gabuak kasamuonjo.

Alah sarantang padjalanan tjukuik kaduo rantang pandjang nak dituruik basarang dakek nan ditinggakan basarang djauah dek lamo lambek didjalan tibo djuo di Padang dipauikkan kabau dikatapiang kalau diliek maso itu kampuang nan rami di Muaro tampak balabuah kapa lajia taluak bajua balun ado alun bakampuang djawo Balai baru alun pulo nagari langang maso itu kalau diliek kota Padang balun sarami nan bak kini tokoh nan tidak sabanjak bana elok dibilang dengan djari rumah nan tidak barapo buah.

Lorong kapado si Bujuang Karuik duduak bamanuang duo baradiak maliek urang ditengah pasa pasa nan rami maso itu bamatjam matjam urang tampak Tjino Ulando djo Kaliang tatjangang sadjo kaduonjo lah tarang injo urang kampuang indak maliek urang rami bak sjam diasak malam.

Bakato si Bujuang Karuik marilah kito badjalan djalan maliek pakan sangaik rami dibao adiak badjalan djalan dek urang banjak nan ibo anak ketek sangaik mularaik ado satengah mambari nasi ado pulo mambari pitih panek badjalan klan kamari duduak injo dilapau nasi lapau nasi sangaik rami dienan injo menumpang lalok kan io si Bujuang

tidak pulo mahantikan tangan ditolongajo urang mambasuah piriang ditolongajo mambalahkaju.

Lorong kapado si Sjamsiah ditolongajo pulo maruntiah lado mangubak ngubak ubi kantong apo disuruah injo pai tjapek kaki ringan tangan namun salero lapeh djuo dek elok mako rang sajang dek luruih mako rang ibo lah batuka badju nan buruak kalau dillek roman badan batambah baseri dipandangi lah tabu manjikek rambuik hilang kuruih badan dahulu rantjak roman dipandangi urang lapau batambah sajang nan labiah bana si Sari Anun ialah bini dirang lapau injo nan tidak ado baranak Sjamsiah disangko anak kanduang kain djo badju baganti ganti kan io si Sjamsiah laku elok parangai rantjak kalau bakato dibawah bawah kalau batutus lunak lambuik.

Birauari si Bujuang Karuik badjalan djalan pasang hari maliek rumah nan rantjak rantjak sanan tatagun ditapi labunh maliek rumah rantjak bana rumah batu bapintu tjamin balaman banjak bungo bungo heran tatjangang si Bujuang Karuik tadanga suaro dari dalam manjuruah masuk si Bujuang Karuik diruik si Bujuang Karuik orang nantun bakotolah urang pu njo rumah mano ang Bujuang bari luruih hambo batanjo datang dimano wa ang Bujuang apo mukasuik datang kamari katonjo urang nantun.

Mandjawab si Bujuang Karuik hambo nangka rang Pariman mukasuik hambo mantjari karadjo apo karadjo hambo turuik asa paruik lai barisi "mantjari pungguang indak basaok" mandanga kato anak nantun ibo maliek padja nantun anak ketek sangai miskin bakato urang nantun elok disiko ang bakaradjo karano wa ang balus gadang, dibari karadjo nan ringan ringan panolong urang dirumah katonjo urang nantun hari sahari hari itu dituka badju nan buruak lakeklab pakalan sagalo baru diguntiang rambuik dikapalo lorong kapado dirumah nangka tidak buliah bapakaian kumuah digadji si Karuik tigo ringgik tigo ringgik dapek makan itu gadjino sabulan lorong kapado urang nantun induak samang si Bujuang Karuik tuangku Djasa Lembang Alam urang Padang elok bati.

Kan io si Bujuang Karuik sadjak karadjo djo angku Djasa badan tidak kuruih lai hatilab sanang pikiran sadjuak t;ba-rubah muko dari dahulu pakailan batuka tiok hari lorong ka-pado karadjonjo apo disuruah angku Djasa kadang kadang pai kapasa mambali lado garam.

Kan io si Bujuang Karuik apo karadjo hati hati tidak pandai balelai lalai karadjo radjin sangaik sungguah alun di-suruah alah pai balun ditagah alah baranti sajang urang nan sarumah tidak ado mamakan tjatjek apo karadjo salasai sadjo anak ketek tahu dihuntuang tidak ado udju djo sombong ka-au bakato bana bana sangaik luruih himat balandjo.

Kalau pandai bakain pandjang
lablah saelok kain saruang
kok pandai bainduak samang
lablah saelok dunsanak kanduung

Kaju dama rapuah tangkai
diambiak usah dilongkahi
luruih bana kalau dipakai
salamaik badan kama pai

Kapa balajia ka Indogiri
balabuaah tantang tangah lauik
kaba baraliah hanjo lai
kapado bapak si Karuik

Birauari bapak Karuik sirah muko kabangiban ditjari anak kian kamari ditanjokan kapado urang surang tidak urang nan tahu sampai samalam malam hari ditjari djuo kian kamari kok dapek anak nantun alamaik badan akan marasal dilek djuo ajam nan mati ajam pautan sadjak ketek banjak urang akan mambali barapo hargo tidak ditimbang tapi sung-guhpun nan bak kian haram mandjua ajam nantun lablah sa-sajang anak kanduung.

Kalau dilek mandenjo si Bujuang Karuik nasi taserak masuak abu tjeik tak dapek diambiak lah njato bareh basa-lang kini tabuang masuak abu namuah mantjaktak sampai ma-ti tak guano anak dihiduik-i hari nan sabari nantun ditjari anak kian kamari surangpun tidak ado nan tahu alah sabari

duo hari anakejo pai badjalan antah kapasa Lubuak Aluang
 antah kadarek Bukittinggi antah dilariken Sibunjian antah
 mati dirimbo gadang raso tampak anak nantun raso diruang
 ruang mato takana bana maso itu tibolah ibo djo kasihan
 hilang kamano garau anak.

Tjintjin banamo ganto sori
 sasuai sadjo dikalingkiang
 hilang kamano kaditjari
 lautan sadjo bakuliliang

Anak den siti Sjamsiah kaduo si Karudin kamano kalian
 badjalan lauk sati rantau batuah antah bakubua dalam rimbo
 antah mati anak kanduang mande djo sia anak tinggak-a anak
 diruang ruang mato lorong kapado Bagindo Baka bapak kaa-
 duang siti Sjamsiah tamanuang manuang surang anak kaa-
 duang kaditjari kok pulang anak kanduang den ubah laku pa-
 rangai anak tidak den berangi.

Si Karudin dibawo ka Palembang.

Fqsal II

Tidak guno dirandang katjang
 elok dipilieh tjiek tjiek
 diambiak sadjo nan babungo
 indak elok dirantang pandjang
 elok dikumpa nak njo singkek
 diambiak sadjo nan paguno

Biruari Bujuang Karuik lah anam bulan bakaradjo djaksa
 pindah ka Palembang bartsuak injo badjalan balajia djo kapa
 api kan io si Bujuang Karuik dek elok laku parangai sajang
 djaksa pado injo dibao pindah ka Palembang dituruik adiak
 kanduang kalapau Sari Anun bakato anakejo Bujuang Karuik
 manolah uniang Sari Anun lorong kapado badan bambo di-
 bao pindah ka Palembang manurutikken Djaksa Lembang Alam

gadji batambah anam ringgik.

Baa pikiran uniang mamintak sipaik djo pitundjuak karanoo hambo anak ketek aka kurang pandapek kurang kok elok hambo turuikkan sabab baitu kato hambo bapak djo mande di uniang sorang tampek mangg-ntuangkan paruik tampek mamampakan sajak katonjo si Bujuang Karuik mandjawab Sutan Pasisia laki dek Sari Anun mano ang Bujuang Karuik elok ang turuikkan angku Djaksa paliah ka Palembang kami lapeh djo hati sutji luruih bana waang pakaikan nak sajang tuanguku Djaksa tambahan pulo diang Bujuang himaik babalandjo simpan pitih tiok bulan kok untuang pambarian Allah dapeklah kapokok manggaleh dapeklah kadatan nan elok sabab mako nan bak kian tidak nan kajo makan gadji kunun awa ang tukarg kabun djadi suruhan angku Djaksa aka singkek pikiran pendek pangana kapado gadji sadjo mandanga kato Sutan Pasisia disimakkan sadjo dalam hati dibuhua dikabek harek sanan mandjawab si Bujuang Karuik.

Lorong kapado nasehat mamak hambo patjik ganggam taquah kalau satitlak dilauitkan kalau sakapa digunuangkan bakato si Sari Anun sabuab piteruah ka ang pakai kok tibo ang disinan usah lupu mangirim surek sakali sabulan kirim djuo supajo sanang hati kami tantangan adiak ang si Sjamstah usah tjameh pado kami elok buruak ditangan kami kami sangko anak kanduang katonjo si Sari Anun mandjawab si Bujuang Karuik.

Lorong kapado si Sjamstah anak uniang bakato uniang tasarab kapado uniang djo mamak elok buruak mintak diganggam mudjua uniang mangamehi kok tidak uniang djo mamak alamaik tabuang badan kami guoo djo apo kami baleh.

Bakato uniang Sari Anun elok elok dirantau urang batua dibawah bawah lurus dio baa kadipakai katonjo si Sari Anun mandjawab si Bujuang Karuik lorong kapado adjaran uniang kalau malan kakalang bulu diikok siang dipatungkek' mano kau up k Sjamstah elok elok adiak tingga.

Insjak Allah lakeh pulang turuikkan pangadja uniang djo mamak pandai paudai mandjago badan mandanga kato dunsah-

nakno manangih si Sjamsiah aia mato badarat darai ibo batjarai djo tuannjo kan io si Bujuang Karuik ibo batjarai djo adiakojo balinang linang aia mato ditahan hati rusuah rantau djauh kadituruik bilo masonjo kabatamu.

Lorong kapado angku djaksa dilelang segalo pakatan rumah batak medja djo kursi sarato almari tjamin gadang habih talelang samuanjo tidak rahetong banjak barang.

Ajam kuriak babulu bangkeh
dibari bateli duo
dikumpa kaba nakno singkek
diambiak sadjo nan paguno

Padang Pandjang djo Malalo
kaduo Tandjuang Pandai Sikek
dirantang badjelo djelo
dikumpa nak no singkek

Birauari si Kerudin duo tahun di Palembang dek himaik balandjo tasimpan pith dalam tabuang mukasuik dalam hati taniaik sadjak dahulu handak manggaleh banjago ditjubo huntuang nan bak urang salamo mularaik kokojo senang tatapi sungguah nan baitu takuik manjabuik ka Angku Djaksa kok salah raso pamberian.

Diukia ukia saruang padang
disimpai mako dipaluk
dipikia pikia duduak surang
raso kaaai gandjua suruik

Ditjari hari nan batak io katiko nan elok dituruik djuo Angku Djaksa bakato balambek lambek takuik kapado Angku Djaksa manolah tuanku Djaksa lorong kapado diri hambo sudah niak sadjak dahulu handak manggaleh banjago itu tatjinto dalam hati angan angan siang malam tjito tjito nak manggaleh ditjubo manggaleh nan bak urang itu bana hambo katokan katonjo si Bujuang Karuik katonjo tataban tahan patah lidah barundiang.

Lorong kapado Angku Djaksa urang arif bidjaksno sudah ma-alum dalam hati bahaso si Karuik pandjang pangana tahu

mularaik djo mufa'ik awa dikana akia dikana kalau baitu kato ang hambo lapeh hari barisuak dibajia gadji bulau iko tatapi sabuah tanjo hambo kalau manggaleh sarato pokok.

Kamano pokok ka ang tjari katonjo Angku Djaksa mandjawab si Bujuang Karuik lorong kapado pokok gadji disimpan tiok bulan baitu pulo patesen pambarian hambo simpan kadalam tabuang lah duo tahun anam bulan bambo karadjo djo tuanku katonjo si Bujuang Karuik mandanga kato nan bakian disuruah hambiak tabuang pitih.

Kan io si Bujuang Karuik balari injo katampek lalok di-bao tabuang batuang saruwéh tabuang gadang dimakan nge-gekek disuruah balah tabuang nantun baserak pitih ateh me-dja wang perak uang tembago dietong saratuib ampek puluhan balabiah pulo sambilan bilih maliek pitih padja nantun taga-lak tuanku Djaksa sabana luruih anak nangko io muksuiknjo nak manggaleh ditahan salero harok manggaleh ibo djo sajang angku Djaksa.

Sanan bakato Angku Djaksa luruih luruih katau manggaleh himaik himaik babalandjo urang manggaleh saribu aka ditam-bah pitih si Bujuang Karuik ditambah pulo saratuib lai dibari pulo badju djo kain tando pambarian putiah hati.

Sacang hati sadjuak pikiran hari elok maso itu katiko nan baiak lorong kapado Angku Djaksa urang bapangkaik randah hati suko manolong urang misikin asa manuruik kabatik-an tapi sungguah nan baitu pambangih bukan alang alang djikok urang nan basalah tidak tataan kanai kaki tidak pandai ta-gak dibueknjo.

Kan io si Bujuang Karuik badan baransua gadang djuo ditjubo manggaleh baketek ketek dek elok huntuang djo baha-gian depeklah kadaian nan rantjak ditjubo manggaleh kuma-rgo dek pandai kuaik batanjo dek tjadiak kuaik baguru pan-dailah injo bali mambali pandai manjusua tampaih kadaian seroman urang biasa manggaleh.

Marantau ka Medan.

Fasal III

Hari Rabaa pai kapakan
io kapakan Sungai Sirah
disikolah kaba kito antikan
dillek pulo upiak Sjamsiah

MILIK PERPUSTAKAAN
BALAI BAHASA PADANG

Kaba baraliah banjo lai sungguah baraliah si nan djuo io kapado si Sjamsiah atiak kanduang si Buiuang Karuik salamo ditinggakan di Padang balapau djo Sari Aoun sadjak paningga si Buiuang Karuik tiga tahun sampai kini duo putjuak dapek surek mangatokan salamaik di Palembaog tifa lo ato maro malintang baitu bunji dalam surek sampai kini tanang sadjo tidak ado mandapek surek lah tigo tahun sampai kini kaba tidak baritupun tidak susah hati si Sjamsiah tampek batanjo tidak ado antah hiduik antah mati.

Kan io samaso itu malang tidak dapek ditulak mudjun tidak dapek dirajiah sudah takadia garak Allah pado maso di-maso itu tabaka nagari Kampuang Berok sampai kapasa ka Muaro api nan sangaik gadang bana api banamo sikulambai tidak tapadam padam lai sarato angia sangaik kantang api mangamuak suok kida banjak kadaian mandjadi baro tabuah babunji tidak baranti lontjeng maningkah dirumah djago iuak pikuak maso itu tidak tasiram siram lai bunji pakiak djo tangih lah pagi hari mako usai.

Lorong kapado Sutan Pasisia lapau rami samalam itu kadang basuko pupuak saluang bunji galak baderat darat bunji tapuak basorak sorai balasan suko tibo duko balasan galak manangih tampak api manjirah diudaro didjayokan Sari Aoun sarato upiak Sjamsiah maliek urang iuak pikuak mandanga tabuah tidak baranti babunji lontjeng dalam tangsi si upik Siti Sjamsiah baduo djo Sari Aoun tidak malu kamiluan dikaluakan barang sado nan dapek dilarikan katapi pasia sado nan dapek dibao djuo balari barulang ulang barabuk tabuik djo api aka tidak hilang bana huutuang djuo maso itu kalua

barang samo sakali tidak barapo barang nan tingga lah siang tjandonjo hari pasa mandjadi baro kalau diliek karugian labiah salaso duo laso banjak urang djadi misikin.

Biruari Sutan Pasisia sarato sitti Sari Anun batigo djo Sjamsiah dibao barang ka Alang Laweh hati nan susah hilang aka tikak tantu kadi buek gilo bamanuang duduak sorang elok den pai marantau marantau katanah Deli ditjubo babaliak karantau lamo io di Medan Deli disanan lanteh angan kalau dinanti pasa sudah antah satabun duo tahun pitih baransua habih djuo tidak ado tukuak djo tambah depek mufakaik djo bininjo.

Lorong kapado Sari Anun tidak injo manupang dituruik sadjo kato suami ditjari hari nan batak io katiko nan elok diliek palangkahan nan salasai hari Kamih barisuak disanan kapalai ka Medan manompang djo kapa api lorong kapado si Sjamsiah dibao kamano pai dikatokan anak kanduang tidak lapeh di Sari Anun lbo maliek padja nantun labiah sasajang anak kanduang sabab injo tidak baranak.

Kan io si Sjamsiah pandai pulo maambiak hati muluik manih kutjandan murah elok sagalo laku parangai patuik sajang urang nan banjak nan labiah bana Sutan Pasisia disangko anak balahan badan lah tibo dihari Kamih kapa basawab di Muaro disanan palabuhan maso dabulu Teluak Bajua dalam karangko urang sedang mangaradjokan barangkeklah kapa dari Padang manudju nagari tanah Medan kapa balajia sangaik kantjang kapa lajia maso itu angia elok ombak-
njo tanang tidak ado maro malintang.

Tibo dilauik pantai Atjeh disanan ombak sangaik kantjang angin nan sangaik dareh banjak urang mabuak lauik nan labiah bana si Sjamsiah sehari samalam tidak djago mutah sadjo tiok sabanta lapeh dari pantai Atjeh anginjo tanang ombak salasai sampai ka Medan tanang sadjo tidak ado maro malintang kiro kiro pukua salapan mato hari paneh pagi tibo-
lah kapa di Balawan sauah dibongka kapa baranti turunlah urang samuanjo.

Lah turun pulo Sutan Pasisia dibao barang tjiek sorang

dibao kajalam beadi kureta sapi batenda kain itulah bendi maso itu alun bakudo nan bak kini si upik siti Sjamstah maliek djuo suok kida rumah baririk ditapi labuah rami nagari kota Medan tokoh baririk suok kida banjak Tjino djo Ulando sarato rang Kaling rang Banggali tatjangang sadjo si Sjamstah maliek rantjak Kota Medan dek lamo lambek dalam bendi baranti bendi di Patisah.

Turunlah si Sari Anun turua injo katigonjo kopor didjendjeng suok kida tibo dirumah papan rumah papan baatok seng rumah papan baatok seng rumah kamanakan Sutan Pasisia kamanakan saurang sadjo mandjadi mandua labuah gadang disannan tingga katigonjo ado sabanta anteronjo tibolah si Birin kamanakanjo pulang karadjo pukua satu lah sudah sapa manjapo bakato mandua Birin hambo mandanga kaba buruak nan bahaso mamak kabakaran katonjo mandua Birin mandjawab Sutan Pasisia.

Malang bana dibadan kami rumah tabaka djadi abu babih pasa dimakan api banjak pulo kabakaran tidak sagadang sakali nangko data pesa dimakan api tidak depek bakadat lai tidak lanteh angan di Padang itu sababnja kami kamari ditjubo pulo maadu huntuang salamo merasai kok njo snueng budjan djo paneh babalasan mandanga parasain mamakajo lin tuah pikiran si Birin.

Bakatolah injo kamamaknjo usah mamak barusuah bana sakik djo sanang tidak batjarai sudah takalja garak Allah tidak dapek disasai elok disiko mamak dahulu kok lai samo dimakan kok tidak samo ditjari katonjo mandua Birin.

Ado sapakan antaronjo dapeklah lupau padjak nasi lapau ditapi pasa dibuek lapau satjaro ketek lapau kopi goreng pi sang diteruah nasi sagalo saketek ditjubo bahemnik hemaik urang batambah tahu djuo makin sabulao makin rami ditjari kawan duo urang nan biasa balapau nasi urang Padang samo sakampuang lapau batambah gadang djuo tambahan pulo mako rami banjak rang kuli makan kasanan anak buah mandua Birin kamanakan kanduang Sutan Pasisia.

Lorong kapado Sutan Pasisia sudah biasa marantau ka

Medan atjok kali dilamun ombak biasa balapau gadang elok lapaunjo dari Padang tabali pahun ringgik bukarang tabali galang ameh bapadu mamakai panitih ringgik ameh ringgik ameh sampai kapusek lah kajo si Sari Anun tiok malam lapau dibukak himpunan dagang dari minang tampek bakumpua urang Padang.

Alah satabun duo tahun lah sampai limo tahun ibarat bungo sedang kambang razaki sedang babari sudah takdir deri Allah malang tak dapek ditulak mudjua tak dapek dirajiah sakiklah Sutan Pasisia satu sakik tak djago lai tidak ado minum djo makan aia satitiak tidak lalu banjak dukun maubek-i usahkan sebat batambah laruik sakik batambah labiah djuo hila aha si Sjamsiah nan labiah bana Sari Anun siang malam tidak la'ok mandiago panjakik suaminjo saktik sagaio pasandien djikok tidua batiduakan kalau lalok balalok-an dukun maubek baganti ganti dituruik dukun djauah hampia tidak dipikia pitih babih apo kahaudak diadokan asa panjakik lai kasanaang panjakik batambah mandalam djuo tidak pandai bakato kato tulang didado elok dibilang matonjo tjakuang putjek pasi.

Anam bu'an sakik pajah kan io samaso itu patang kamih malam Djum'at baktijau murai tengah malam maramang kuduak si Sari Anun djandji sampai bilangan sudah berpulang kerah matullah sampai adjal Sutan Pasisia manangih maratok si Sari Anun sarato dengas si Sjamsiah ata mato bak maniak putuih manangih tasadu sadu bunji ratok babuah buah.

Kahilia katapi pasia
 mambao anak kulik lokan
 dibaok kabalai Kurai Tadji
 tuan den Sutan Pasisia
 kami djo sta ditinggakan
 tuan saurang tompangan kami

Simantuang di Parik Putuih
 djaradjak ditanah taban
 tak dapek kabalai lai
 tampek begantuang alah putuih
 tampek bapidjak lah taban
 tidak kamano manggabai lai

manangih siti Sjamsiah aia mato badarai darai bak maniak
putulh pangarang tagamang raso ditinggakas tidak kamano
kamangabai.

Katarok basimpang djalan
mantjari duku buah palo
tuan diarok alah badjalan
urang ditompang mati pulo

Lorong kapado urang banjak dimandikan dikapasi malk
nantun dikubuakan dipusaro dagang hari nan sabari nantun
ramilah urang dalam rumah mandoa mangadji tiok malam sa-
lamaik arwah nan badjalan salamatik pulo nan tingga do'a di-
batjo labai Samiak maaminkan urang nan banjak.

Birauari siti Sjamsiah sadjak mati bak angkeknjo ialah
Sutan Pasisia hati nan tidak sanang lai kadang kadang ma-
naruah tjameh tjameh tak depek akan manompang njato awak
di rantau urang kalau diliek si Sari Anun injo disangko man-
deh kanduang tampek tompangan mangantuangkan paruah.

Sadjak lakinja sudah mati balain parangai dipandangi
suko mamakai makai sadjo mamakai kain baru baru gesob
mambantuak bantuak diri barapo galak bagintju bibis dipakai
galang duo tigo mamakai kaluang ringgik bakarang dipa-
sang sulup tinggi tumik labiah serupo anak gadih barapo
galak geleng kapalo mudo hatinja Sari Anun banjak nan mudo
kanai hati banjak tadajo nan budjang tidak tadajo muko ran-
tjak tadajo maliek ameh bakarang asiang saurang urang nan
datang dipudjuak ditjumbui nan budjang budjang urang bu-
djang buajo Medan.

Sadjak batjino di Piaman
banjak Ulando babimakan
sadjak babungo dibalaman
banjak kumbang putih kaki

Banjak Ulando di Piaman
mambali tjuko dio minjak
tidak tadajo banjak roman
tadajo diringgik banjak

Satengah pulo laku nan mudo maliek rando banjak barang bak tjando maliek limau maalum injo buajo darek pandai mamiek hati urang dibao badjalan djalan apo kahandak dibalikan habih gali dek bagista lorong kapado siti Sjamsiah maliek tingkah laku parangai laku parangai si Sari Anun suko bagaluik bagurau gurau bakadja kadja djo nam budjang tidak dikana badan tuo.

Susah hati mamikiakan ragu pikiran maso itu handak kamato akan manompang dek huatuang takadia Allah ado saurang urang tuo mantjari gadih tangguang untuk karadjo djo Ulando mandjadi babu anak injo untuak dibao ka Batawi mandanga kato rang tuo itu senanglah hati si Sjamsiah pado maliek Sari Anun elok ngiang tabang djauh laku parangai andjiang dilabuah tidak tahu taratip sopan hilang taratip elok dahulu.

Bahari bamalam tidak pulang barusuah hati duduak surang makan djo minum bahibo urang.

Siti Sjamsiah ka Djakarta.

Fasal IV

Pado hiduik dibibol urang elok mantjari balatih tulaag pado tamakan bak urang elok mamakan tjutjua paluah kan io samaso itu dibao rang tuo ka Ulando maliek rupo si Sjamsiah rupo luruh tampak dimuko lagi parangai elok pulo suko Ulando manarimonjo.

Lorong kapado Ulando nantun guru sikolah di Batawi injo baranak duo urang ansknjo ketek baru nan saurang baumua anam bulan nan gadang baumua duo tahun kok diliiek njonja Ulando tampan elok lagi panjantun njonja panjaba elok budi samo elok kaduonio patuik injo djadi guru tidak barapo antaronjo dibao balajia katanah Djawa kan io si Sari Anun tidak

dapek batamu labiah sabulan tidak pulang rintang baguruu malapeh hati tidak tantu tampek tingga bapasa sadjo pado urang mamintak izin karilaban.

Salamo injo dalam kapa tampak elok si Sjamstah tjapek kaki ringan tangan alun disuruh alah pai balun ditagah alah baranti pandai pulo mambudjuak anek sangaik panjang djo padja sirah panjang kaanak anak lamu lambek baleja tibolah kapa di Tandjuang Parluak palabuhan nan sangaik gadang banjak kapa kalua masuak pusek djalo pumpunan ikan urang nan sangaik rami bana ma alum tuan tantang itu ibu nagari Hindia Balandu disinan duduak tuan basa¹⁾ mamatjik tampuak pulau nangko kan io siti Sjamstah salamo tingga di Batawi hati nan lei sanang sadjo disiko kaba diantikan.

Si Bujuang Karuik habini.

Fasal V

Didulang sadulang lai
 pandulang ameh balingka
 diulang saulang lai
 pandjapuik kaba nan tingga

Kaba baraliah hanjo lai sungguah baraliah sanan djua baraliah kapado si Bujuang Karuik sedang bakadei di Palembang kadaian ditapi batang aia ditapi Sungai Musi tampak urang lalu linteh kadaian rami tok malam tidak taumbiak ambakkan urang mambali sangaik banjak pajah rasonjo boden surang datang kawannjo Sutan Zainuddin kawan sabati samo gadang duduak batandang dalam kadaian.

Mallek banjak djua bali sanan bakato Sutan Zainuddin mano ang Bujuang Karuik kalau diliek den pandangi tasasak wa ang djua bali elok ang taruah anek samang bullah deuruh diserajo paunji kadaian kalau badjalau katonjo Sutan Zainuddin

¹⁾ gubernur djenderal.

mandjawab si Bujuang Karuik itu kato sabanajo lah sepuluh tahun den disiko batudjuah urang anak samang surangpun tidak ado nan luruih mangguntiang dalam lipatan papek dilua runtjiang didalam kok ado bana nan luruih indak pandai bareotong masak dikitjuah urang sadjo banjak rugi pado labo.

Balun basuo nan luruih, tampak pitiajo siang malam katonjo si Bujuang Karuik mandjawab si Zainudin usah ang puuih harapan kalau diliek urang disiko sarik nan luruih tampak hati luruihjo sahari duo hari manuruik pikiran hambo elok babini bakawan biduip itulah biliak nan dalam itulah kuntii nan taguah kalau namuah ang babini ado saurang anak gadih anak Mangkuto tukang dobi urang awak lamo disiko kalau di diliek anak nantun roman rantjak laku elok tak ado tjatjek dilatakan muluik manih kalau batutua injo biasa manggaleh manggaleh djo mandenjo pandai bareotong djua bali bak itu padusi wa ang basi baiak diringgik-i mandanga kato Zainudin galak tasanjum si Bujuang Karuik.

Lorong kapado anak nantun injolah tahu diruponjo saangik katudju dalam hati takajuah dibiduak hilia tahimbau diurang kadatang bakato si Bujuang Karuik manuruik pikiran wa ang Zainuddin laikoh amuah manarimo lah njato awak dagang sansai biduik sabatang kara di Palembang tidak ado karik djo kabia kok tidak namuah manarimo alangkah malu badan kito katonjo si Bujuang Karuik mandanga kato nan bak kian mandjawab Sutan Zainudin kalau baitu kato ang itu nan usah ang rusuhkan sarahkan sadjo pado hambo insja Allah lakeh salasai.

Lorong kapado mamak Mangkuto asa anaknjo lai badjundjuangan urang kuli namuah mamulangi kunun wa ang urang batokoh anak lareh dapek ang pinang katonjo Sutan Zainudin mandanga kato nan bak kian sananglah hati si Karudin raso dibibia tapi tjawan raso tampak muko Saudah raso diruang ruang mato.

Kununlah siti Saudah roman sarupa bulan panuah tinggi tidak randah pun tidak kulik nan kuniang lansek rambuik pandjang sampai kabatih rantjak nan bukan alang alang kalau dipakai-i anak nantun banjak tadejo urang maliek sepan tun

ameh tidak basapuh.

Lah sudah rundingan putuh badjalan Sutan Zainudin ditjari hari nan baik diliek katiko nan elok ditindjau tindjau Sutan Mangkuto sarato mande Saudah buleklah kato djo mupakaik samo saukua mende djo bapak samo suko kaduonjo mangambiak si Bujuang Karuik djadi minantu suami anakjo diliek hari nan baik ditjari katiko nan elok badjandji timbua bulan patang Djum'at malam Sabtu disanan nikah dilansuangkan dihimbau kawan samo gadang mando'a sadjo surang malin awak njato dirantau urang tidak tarago baralek bana kan lo samalam itu ramilah rumah Sutan Mangkuto datang sagalo urang awak lorong kapado si Bujuang Karuik lah gadang dihari gala injo sudah mamakai adat patuik pulo dibari gala nan bagala Bagindo Karudin.

Sapakaiklah urang maso itu maimbaukan Bagindo Karudin ado sabanta antaronjo dibaka kumajan putlah harum sapacuah rumah nantun mando'a Hadji Amin urang nan banjak mamainkan lah sudah do'a salamaik djamba taedang tangah rumah tidak tarago sambah manjambah makanlah urang sumuanjo lah sudah minum djo makan di isok rokok sabatang sorang lah sudah isok isok-an mamintak pulang anjo lai kan lo Sutan Mangkoto dilapeh sadjo djo hati sutji pulanglah urang sumuanjo.

Hari samalam malam itu sakalok tidak takalokkan samo meadjuak paratian kasiah djolong basusuak duo kali ajam bakukuak tjukuik katigo hari siang bubunji tabuah dimusadjik tadanga abang anku bila djagolah injo kaduonjo.

Lorong kapado Bagindo Karudin limo malam tidua disanan tjukuik kaanam kakadaian kadaian gadang tampai dan senang hati sadjuak pikiran duduak bagurau tiok hari.

Dendang duo dendang tigo
patjah pariuak parandangan
bia makan bia tiado
asa duduak lai bapandangan

Salasih djatuah kalubuak
 tibo dilubuak patah tigo
 kasih sajang djolong basusuak
 mambajang sampai kamuko

Birauati si Karudin bagala Bagindo Karudin sadjak babi-
 ni djo Saudah tidak asak dari rumah kasih tadorong kepedo
 Saudah apo kaudak dibalikan bak manatiang minjak panuah
 sungguah baitu sajang lakinja Saudah tidak taman djo mandjo
 sangai haromat kapado suaminjo tidak pandai bakato dareh
 radjin karadjo patang pagi pandai manenggang suaminjo elok
 patuturan kaduonjo rasaki batambah murah sanang hati Ka-
 rudin.

Alah satabun sudah nikah biduik basuko kaduonjo tidak
 ado silang salisiah kan io siti Saudah badan tidak sanang lai
 apo dimakan apo muntah hati buruak Indak manantu hilang
 aka Bagindo Karudin mangasuang kapado mande Saudah ma-
 nolah mande kauduang hambo lorong kapado Saudah hari nan
 sapakan nangko hatinjo samak2 buruak kadang kadang makan
 adang adang tidak bedannjo tidak lamak muntah muntahi
 sadjo sagalo busuak dibauninjo sakik ruponjo si Saudah man-
 danga kato Bagindo Karudin galak tasanjum mandenjo.

Kalau itu Bagindo tanjokan alamaik Saudah dalam baban
 jo didalam babadan duo alamaik Bagindo depek pamenan tan-
 do Saudah dalam hamil dalam manganduang tigo bulan man-
 darga keto nan bak kian sukolah hati Bagindo Karudin sa-
 djuak rasonjo kiro-kiro sanang rasonjo paratian mandanga Sa-
 udah dalam hamil kok depek anak laki laki buliah paunji unji
 kadaiian diasuah sikolah djo mangadji.

Salamo Saudah dalam baban tidak batjarei djo mandenjo
 sampai bilangan sambilan bulan tjukuk bilangan panuah tara-
 so'ah panek pasandian lamah sagalo kaki tangan makan tidak
 minumpun tidak mukonjo putjek tidak badarah tiduo djago
 kalua kaseh meliek ru'go nan bak kian hilang akanjo mande
 kauduang sampik pikiran maso itu banjaklah urang nan ma-
 ngenduang tidak sapajah si Saudah manangih sadjo siang ma-
 am hilang aka Karudin banjak dukun nan maubek djauh

bampia dituruik djuo usah panjakik akan siaik batambah la-
biih anjo lai.

Kan io sitti Saudah tidua tatilantang tengah rumah aia sa-
titiak tidak lalu injo malieh sadio kasuaminio tidak lapeh ma-
to mamandang diampia-injo si Saudah duduaklah suaminjo tan-
tang badannio dirangkuahnjo libia si Kerudin babisiak ma-
mintak ma'af kito batjarai anjo lai sampai disikolah baru pa-
bauran ma'af dituan apo nan salah tinggalah tuan elok elok
hambo barpulang kaadrat Allah digigiknjo tangan si Kerudin
kaganti salamaik bapisah kato sampai adjalah sudah.

Matinjo tanang elok sadjo maliek rupo Saudah dirameh
paruik manahan hati kalam nagari dipandangi babega alam
tampaek tagak ala mato badarai darai tidak malu kamiluan
nan labiah bana mande Saudah manangih mangaruang pan-
djang bunji ratok babuah buah anak den si Saudah anak Sa-
udah anak saurang tungga babeleng dio siapo mande diting-
gakan djapuik dianak kini djuo indak guno hiduik didunia.

Surau baureh mato diarjang
kakida djalao pakan Atat
pakannjo rami tengah hari
sakik mande ngilu paniang
siapo urang ka ubek
badan taberiang saurang diri

Kan io mande Saudah pangsang injo maso itu tidak tabu
didirinjo dipapah urang kadalam biliak kan io urang nan ba-
njak sabalun hari patang bana elok sugiro kito mandikan ba-
njak urang manjanguak alah sudah dimandikan kapan batja-
biak anjo lai dek elok aturan dagang Padang urang sepiak
samuonjo sagalo rantau urang minang tidak ado nan tidak da-
tang ado mambao kain kapan ado pith babilang gadang ke-
tek tuo mudo samo datang samuonjo dek banjak urang maso
itu salasailah pusaro si Saudah.

Hari samalam malam itu mangadjilah urang dalam tuwah
mambudjuak hati nan tingga kan io Bugindo Kerudin kaluah
kasah manahan hati rasa katadjuu kasungat musi tidak tantu
nan kadituruik bagojang alam tampaik tagak tak guno hiduik
maso itu.

Dimano djawi nan kakanjang
 bagubalo ditapi ngarai
 dimano hati nan kasanang
 sedang kasiah badan batjarai

Luruih djalan ka Pajakumbuh
 salasih batimba djalan
 dimano hati tidak karusuah
 sedang kasiah Saudah badjalan

Gadang aia Sungai Batang
 tarandam batang saliguri
 disangko paneh sampai patang
 kironjo hudjan tengah hari

disiang tidak tasiang
 tiok disiang tumbuah djuo
 dirintang tidak tarintang
 tiok dirintang rusuah djuo

Susab hati Karudin duduak bamanuang manuang sorang
 tabajang rupo Saudah tabajang galak geleng mato raso ma-
 himbau himbau djuo tamanoang dibatang aia maliek biduak
 bilia mudiak raso disulami Sungai Musi nak samo hilang djo
 Saudah sedang bamanuang manuang sorang datang kawan-
 njo Sutan Zainudin bakato sedang bapantun

Babiduak usah badajuang
 badajuang badai kok tibo
 duduak usah bamanuang
 bamanuang sensai kok tibo

Mandanga kato nan bak klan takadjuik Bagindo Karudin
 diengo tjando kabalakang kironjo Sutan Zainudin mandjawab
 Bagindo Karudin

Babiduak mangko badajuang
 nak lakeh sampai kasubarang
 duduak mangko bamanuang
 balain huntuang dari urang

mandaki bukit basarasesah
 mandaki sadang tengah hari
 banjak urang nan susah
 balabiah bana dibadan diri

Katonjo Bagindo Karudin bakato bahibo hati mandjawab
 Sutan Zainudin

Urang Padang mandi barampek
 tapidjak tapi kainnjo
 nan hilang indak kadapek
 tjari nan lain kagantinjo

mandjawab Bagindo Karudin

Sapuluah kali den ganti
 namun babanang banang djuo
 sapuluah kali den ganti
 namun nan hilang takana djuo

mandjawab Sutan Zainudin

Balajja kapa dari Djudah
 bao kapulau bilang bilang
 usah dituruik hati susah
 bao bagorau nakajo hilang

Mano ang Bagindo Karudin den lek Bagindo dipandangi
 sadjak mati bini bagindo hati nan tidak elok lei Gindo turuk-
 kan dajo iblis alamaik kasansai badan kito sudah takadja ga-
 rak Allah urang diambiak nan punjo sudah suratan meso da-
 bulu kito nan hutang mendjalankan kan jo Sutan Zainudin
 basamo gadang basatu hati kalau rusuah datang mambudjuak
 tagamang datang mandjawek urang kajo balak budi gadang
 tokonjo di Palembang anak rang kampuang Sulit Ain mari ki-
 to badjalan badjalan djalan ka Batawi maliek kata nan rami
 mandanga kato nan bak klan mandjawab Bagindo Karudin ang
 rasuah lei tapudjuak kamano sadjo kato Zainudin hambo ras
 tidak manupang hari Salasa kapa berangkek indak lamo kito
 disinan ganti maliek nagari Djawa.

Lah sudah kato mupakaik barisuak hari ka Salasa badjalan budjang nan badua dibao kopor tjiek sorang panuah barisi pakaian dek lamo lambek didjalan tampak kapa dari djuuah kapa api katawah Djawa handak manudju Pasar Ikan dek elok langkah kaduonjo satu tiba diateh kapa kapa sugiro mambongka sauah malanguah kapa hanjo lai tando membari salamaik tingga dilek urang sangai banjak bamatjam matjam banso urang ado Kaling djo Uliando sarato Tjino urang Arab kapa balajta dalam sungal.

Dilek suok djo kida tampak baririk rumah urang biduak sarupa sabuak tarpuang hari nan sadang paneh pagi sangai rantjak pamandangan ado sabanta antaronjo lapeh kalauik kapa nantun lauk lapeh tidak basawang dilawun ombak suok kida kapa balajta siang malam tampak tapi pulau Djawa mangkin bampia mangkin djauh tampak labuhan Pasar Ikan mamuriah gudang kalihatan maliek rupo nan bak kian sananglah hati Bagindo Kerudin.

Marapeklah kapa ka anggar sibuiklah urang nan banjak iruak pikuak maso itu kareta api badantjangan tidak tantu kadidanga raso kapatjah anak talingo bamatjam matjam kapa nan datang sarupo sampan di Palembang Pesar Ikan labuhan ketek sagalo kapa ado disanan lah turun urang nan banjak turun pulo Sutan Zainudin buduo djo Bagindo Kerudin badjalan bairiang iriang ditjari bendi balakang tasiun pai karumah kawan Luar batang sahabaik lamo Sutan Zainudin lah duduak ateh bendi kudo dihalau lari kantjang masuk lorong kalua lorong kadaian baririk suok kida salo manjalo rumah.

Kalau dilek bendi padati tidak putuih ditangah labuah tatjangang sadjo Bagindo Kerudin sagalo bangso ado disanan dek lamo lambek didjalan tampak rumah tampaik manompang turunlah injo kaduonjo dandjua rumah kawan injo diimbau badareh dareh saurang tidak nan manjuik hilang aka Sutan Zainudin hari barembang sandjo ditokok pintu dari lua kan io samaso itu kalua urang mambukkan urang dalam rumah katonjo Sutan Zainudin mananjokan rumah guru Djubir mandjawab urang punjo rumah.

Lorong kapado guru Djubir injolah pindah dari siko io

Ka Malang Djawa Timua mandanga kato urang nantun susah hati Sutan Zainudin harilah barembang sandjo tapasang lampu tengah djalan bendi padati pakai lentera urang banjak lalu linteh diliek urang nan banjak saurang nan tidak bakatahuan lain urang asiang awak lapau tidak tampaik bamalam kamano badan tampaik manumpang bilang aka kaduonjo badjalan djuo tapi labuah hati nan samak samak ragu hari sadang laruik malam diliek urang baransua langang susahlah hati kaduonjo tidak kamano tampaik bamalam kok tibo polisi dituduah di tjemo urang mallang alamaik sangsaro badan salaruik iko tengah malam dek huntuaog takadia Allah tibo kampung Lua Bataog dalam daerah Pesar Ikan ado saurang parampuan parampuan tuo urang Batawi sanan batanjo urang nantun mano rang muda nan baduo apo mukasuk dalam hati mako duduak lah disiko hari lah laruik tengah malam katonjo rang tuo nantun mandanga kato nan bak kian mandjawab Bagindo Karudin.

Kami nan bukan urang disiko baru tibo dari Palembang ditjari rumah kawan kami kironjo pindah dari siko bilang aka tampaik bamalam tidak ado karib kabia ibo mande pado kami bari manumpang badan kami, tompang bamalam malah di rumah mande katonjo Bagindo Karudin bakato baibo hati tambahan pulo dimande.

Kok lalu upeh polisi kami ditjemo urang mallang mandanga kato nan bak kian diliek rupo dipandangi tampan rupo urang elok urang barasa balak batak hibo meliek rang mado nantun kalau baitu kato anak turuikkan malah badan kami bamalam dipoadok hambo mandanga kato urang nantun saranglah hati kaduonjo dituruik rang tuo dari balakang. Ado sabanta antaronjo tampak rumah mande nantun disuruah masuk kaduonjo diliek tempek bamalam rumah balantai tadi disuruah lalok dipaleh paleh paleh paleh dari sua baitu rumah rang Batawi tidak ado pakat baumah kato ibo Sutan Zainudin sarato Bagindo Karudin saranglah hati kaduonjo nantun djuak pikiran maso itu dek elok baso puajo rumah sato tadi apo kadibalah dek mato sangaik mangantuak lalok baitu kaduonjo lah tluaggi hari baru tadjago tadanga rami nantun didjalan paneh manjnsiang karumah.

Pakawinan Bagindo Karudin nan kaduo

Fasal VI

Alah sudah muko dibasuah dituka pakaian djo nan lain pakaian banjak duo kopor bakato rang punjo rumah manolah anak kaduonjo makan lah kalian kaduonjo nasi lah masak mande tanak iruik kopi dalam tjawan kan io rang tuo nantun paibo kaurang mudo lai panjantun ka urang dagang budi baik hatinjo elok tidak ado urang batjatjek urang elok samuonjo.

Bakato Bagindo Karudin lorong kapado budi mande sangai elok pado rang dagang gunonjo djo apo kadibaleh mandjawab urang tuo nantun adat hiduik tolong manolong tidak maharok pambalehan hambo tidak ado baranak tidak baranak sorang djuo anak urang hambo kasihi kaganti kawan tengah rumah untuak dilawan duduak barunding mandjawab Sutan Zainudin itu nan usah mande rusuahkan sudah takadia garak Allah kito nan hutang mandapek-i sudah djandjian sadjak dahulu lorong kapado karadjo mande apo garan pantjarian mande katonjo Sutan Zainudin mandjawab rang tuo nantun.

Lorong kapado karadjo hambo mandjadi koki tukang masak io dirumah urang kajo sabanta lai hambo badjalan pai mamasak karumah rang kajo tinggalah anak kaduonjo usah anak badjalan sadjo disiko anak tiok malam sangkolah rumah mande kanduang tatapi pulo tanjo mande siapa garan namo anak apo mukasuk datang kamari bari luruih mande batanjo nak samo sanang paratian mandanga tanjo nan bak kian mandjawab Bagindo Karudin ditarangkan namo dengan gala.

Sadjak barangkek dari Palembang sampai tibo di Batawi guno parintang rintang hati ganti pahilangkan ubek rusuah pandjanglah tjurito maso itu sampai matinjo Saudah hati nan tidak elok lai mandanga tjurito Karudin ibo hati mande nantun aia mato balitang linang manolah anak Bagindo usah di turutkan dajo setan lawan mangutjap kalimah Allah.

Sudah takadia dirahim bundo sakitu lamo pabauran kito

nan hutang mandjalani kok huntuang pambarian Allah dapek gantijo nan elok garak Allah siapa tabu lorong pado badan mande mande tidak urang disiko samo marantau mato dahu-lu dibao laki dari Minang dalam daerah nagari Solok sam-pai tabuek rumah nangko rumah sudah lakipun mati malang tapintak dari hambo ado sabanta antaronjo datang Sarinam dari dapua bakato kapado mamak Sariah elok mamak pai ka-radjo hari lah labiah tengah salapan mandanga kato si Sari-nam takadjuik mamak Sariah diliek hari sudah tinggi mano-lah Sutan kaduonjo hambo pai bakaradjo badjalan karumah rang kajo usah anak badjalan sadjo kalau baitu kato mamak kami lamo disiko manompang djuo dirumah mamak kan lo mak Sariah badjalan bagageh gageh balari lari andjiaog hi-lang dimato gadih Sarinam.

Dek si upik Siti Sarinam anak angkek mak Sariah diliek rang mudo nan baduo diliek djo suduik mato mato sarupo ma-rauik djatuah diambiak tjipia dengan tjawan disapu sarok tengah rumah bakato Siti Sarinam usah tuan badjalan sadjo disiko makan tengah hari buliah ditanak apo non ado ma-kanan kami urang misikin katonjo Siti Sarinam bakato sadong galak tasanjum balasuang pipik dipipinjo.

Kalau diliek si Sarinam giginjo sarupo dalimo rangkah ku-lik putiah bak hati pisang muko bulek daun padi bibin sabu-gei asam sauleh pipinjo pauah dilajeng kalau dipakri si Sari-nam disangko gadih anak lareh bakato Sutan Zainudin.

Kalau baitu kato ediak kaba a pulo anjo lai makan ma-lah kami disiko tolong buekkan gulai ajam dibari pitih duo ringgik badariang bunji ringgik gadang manolah tuan nan ba-duo hambiaklah pitih babaiak hambo lai bapitih mangga pi-tih sabanjak itu takuik rasonjo kamanarimo bakato Bagindo Karudin ambiak diadiak pitih nantun kami barikan djo hati sutji lah panek tangka batangka diambiak djuo mau djadi kan-jo siti Sarinam disikeknjo rambuik dipakalo dipakai hadak di muko awak rantjak batambah rantjak babadiu gabauk pendet takanak kodek kain batiak pandai bann info mamakai apo di pakai apo rantjak disandang kambuik pai kapasu.

Lorong kapado Bagindo Karudin diliek sadjo djo sufoik mato tidak pueih mato mamandang turun naik durah didado

Batang kalikih mudo mudo
 dimakan sudah diparam
 takilik iman didado
 maliek rupo si Sarinam

Kaju kalek madang dilurah
 ditarah lalu dilampaikan
 hati lekek pandang lah sudah
 dimuko tidak mangasan

Kan io Bagindo Karudin sarato dengan Sutan Zainudin badjalan klan kamari masuk lorong kalua lorong tokoh baririk suok kida urang rami suruik lalu baitu djuo bendi padati iruak pikuak tengah djalan bamatjam bangso ado disanan tatjangang sadjo kaduonjo maliek rami kota Batawi bendi djo dokar silang siuma ado pulo kureta lembu tjukuik djo teram kureta api.

Djalan banjak baliku liku kamano pat kamano rami rumah gadang kiri kanan tokoh Tjino balampih lampih urang rami siang malam kadang kadang maliek komidi dibao djuo si Sarinam sampai ka Senen, Mester Konolis — Molen pelet ka Gambir — pasar malam maso itu — rami urang basarak sasak bamatjam matjam permainan main tambola gambar hiduik — bangsawan wajang golek lorong kapado kaduonjo bak antimun djo durian sarupo api djo rabuak kanaf hati kaduonjo nan labiah sitti Sarinam maliek elok laku Karudin budi baiak parangai elok pandai batutua sanda gurau tahu kutjindan baso basi maliek parangai kaduonjo.

Si Sarinam djo Karudin sudah maalum di mak Sariah urang tuo nan pa'arip alua kilek alah bakalam bulanlah sangkok tigo puluah tatapi sungguah nan bak kian pu'ang maalum kaduonjo kok mandjadi laki bini samo baruntuang kaduonjo dek elok djaludjud mak Sariah mampatamukan kaduonjo tidak taro kadisuruah alah sapakaik kaduonjo samo samo mangabek djandji samo sapakaik kaampeknjo putjuak ditjinto u'am tibo bak mandapek durian runtuh lorong kapado si Sarinam tagah dek badan urang mis.k.n.

Kok njampang anak rang kajo alua tantu kadapek roman

rantjak laku elok pandai mamasakan djo manggulai tak ado tja-tjek dilatakan patuik lakinja urang bapangkaik tatingga roman si Saudah kok mati bana si Saudah depek gantiojo nan labiah elok patuik tadajo si Karudin lupu kapado si Saudah senang hati Sutan Zainudin nan labiah bana mak Sariah sajang tatumpah sadjak dahulu kapado si upik si Sarinam.

Ado sapakan sudah nikah babalik pulang ka Palembang dibao mak Sariah mak Sariah tidak tingga kok psi bana mak Sariah tidak injo marugi bana pandai manggaleh badjodjo ko-in sudah biaso injo manggaleh pandai maambiak bati urang.

Kan io Bagindo Karudin dek elok pabauran rasaki bantambah tambah kadaian ketek djadi gadang batokok ampek baleh hilia musahua kajo Bagindo Karudin dek huntuang elok maso itu depeklah ino anak parampuan buliah pamensa bapak djo mande sadjak barumah Bagindo Karudin batambah sajangjo ka Sarinam.

Birsuari si Karudin limo baleh tabuo marantau lah limo kampung tingga tidak basuo djo ibu bepak io djuo bak kato urang mandjadi mamang dinan tuo selamo tinggi tabang bangau surukajo kakubangan djuo satinggi tinggi maluntiang tibonjo ditanah djuo kan io Bagindo Karudin tekono bepak djo mande kampuang raso manjaru djuo.

Bakato Bagindo Karudin manolah adiak Sarinam ado tinaik dalam hati bantak pulang kakampuang ialah kampuang Minang Kabau taragak djo bapak mande limo baleh tabuo tidak basuo antah hiduik antah mati rantau Tiwo deu pakakan kapa dimuko kabadjalan badjalan pulang kakampuang tinggalah adtak d-o mak Sariah dijagolah anak elok elok anak sorang tuogga babeleng insjak Allah lakeh babalik tidak lamo hambo dikampuang katonjo Bagindo Karudin mandanya kato nan bek kian tamanuang si Sarinam sia mato balinang linaang bakato Sarinam baibo hati macolah man bepak si upik kok itu tuan katokan hambo manuruik kama pal hambo tuak namuah tingga baolah hambo pulang kakampuang awat kan lah tahu djuo bahaso hambo urang mimaog tatapi kampuang t-dak tahu bapak djo mande lupu ingek.

Anak urang Koto Marapak
 basuntieng bungo durian
 hambo nangko dagang tatjampak
 dibao buntuang djo bahagian

Mandanga kato si Sarinam sananglah hati Bagindo Karudin, Dibari sabari nantun tidak ado duduak manggaleh gilo mauruh kadalan sadjo patuik didjua alah didjua gilo bakameh kameh sadjo dipateruabkan tokoh ka Zainudin nak lakeh pulang babaliak anak samang urang elok sangaik luruh tjadiak pulo kaki tangan Bagindo Karudin lorong kapado mak Sariah dibao djuo kakampuang tidak dilapeh kama pai disangko mande kanduang.

Tibolah masonjo hari Kamih kapa barengkek pukua tigo kapa Pasisia pai ka Medan singgah dimano palabuhan lorong kapado Bagindo Karudin sarato dengan siti Sarinam barampek djo mak Sariah sedang mandukuang anak Sarinam sabulun hari pukua duo alah duduak dalam kapa takuik kaditinggakan kapa badan raso lah dikampuang babunji sirene kapa tjukuik kaduo kapa badjalan dagang pulang kakampungjo.

Pulang kakampuang.

Fasal VI

Birauari Bagindo Kerudin sananglah hati maso itu sadjuak pikiran sakatikotu kalau diliek razaki dapek sadjak manggaleh di Palembang lah kajo Bagindo Karudin tokoh sabuah di Palembang panuah barisi barang barang lah kajo Karudin kok tibo dikampuang barapo sanang hati ajah mandapek tjutju parampuan buah hati pangarang djantuang sidingin tanpa dikapalo anak barumua duo tahun sedang njanjang dipangkuan sedang lesele dalam dukungan pandai batutua tjiek tjiek roman rantjak badannjo sembok.

Kok sampai dalam kampuang dibuekkan rumah nan elok rumah papan baukia ukia dipagangkan sawah djo ladang sara-

to parak karambia mande duduk djo sukatan den sanangkan bapak djo mande kadang kadang bahati tjameh koklah mati bapak djo mande kamano badan ditompangkan adiaklah lamo tidak batamu antah lai antah tidak takana adiak kandungjo ibo hati sampik pikiran bamatjam matjam tibo pikiran sedang duduk sorang diri maliek djuo kalauik lapeh hati didalam taraso sanang raso ditulak kapa ka Padang ibu djo bapak diruang mato dek lamo lambek kapa balajia kamanampuah alun ombak gadang.

Lapeh nan dari Selat Sunda handak mandjalang Bangkahulu kapa balajia siang lapeh nan dari Bangkahulu masuklah kapa ka Taluak Bajua Taluak Bajua baru sudah marapeklah kapa kadaratan.

Sananglah hati Bagindo Karudin dibao kopor turun kadarek kopor gadang tigo buah panuah barisi kain badju sarato pith barang ameh dinaiak-i bendi duo buah panuah bendi kaduonjo bendi badjalan balari kantjang alah tibo di Padang manompang dilapau nasi kan io Bagindo Karudin hari nan sahari nantun gilo mantjalik adiak kundang adiak kundang siti Sjamsiah dituruik dikampung Berok io Muaro batang Arau diliek pasa maso itu pasa langang kampung langang bak nagari dialahkan garudo.

Sunji sanjap maso itu pasa baraliah kakampung Djeo balai baru disanen pasa nan rami dituruik kaalang laweh karumah mande Sutan Pasisia dituruik ditanjokan bapak Sutan Pasisia laki dimamak Sari Anun balapau dimuaro.

Sanan bakato urang nantun lorong kapado Sutan Pasisia sadjak lapaunjo tapanggih habib tabaka dimakan api injo marantau ka Medan dibaonjo siti Sjamsiah ruponjo udo Sutan Pasisia duo tahun tingga di Medan injo mati ditanah Medan disanen tanah nan mamintak.

Lorong kapado si Sjamsiah injo pai ka Batawi manuruikkan Ulando djadi babu mandanga kato nan bak kian manangih Bagindo Karudin aia mato guruh gumarai mandanga parasaan adiak kundang sadjak dirahim bundo manaruah parasaan tiok hari tidak ado nan manaruah sanang sudah hun-

tuang djo bahagian kan io samaso itu bulek pikiran pulang kakampuang pulang kakampuang kahilaman ditjeri bendi duo buah barapo seonjo tidak batupang asa sampai ka Piaman.

Kan io samaso itu alun kureta nan bak kini balun ado kureta api hanjo bendi baroda basi dibelo kudo duo ikua dapek bendi Radjo Mudo bendi baru kudo balang sabuah bendi mak Hitam bendi gadang bakudo putiah saikue lai kaplak djantan dipasang kudo baganti ganti saikua maelo bendi nan saikua manuruik dibalakang ado dipasang sakali duo djalan djauah kadituruik dek lamo lambek kudo balari kudo balari sangaik kantjang tibo bendi di Lubuak Aluang kudo baranti dipamalaman.

Karano berilah barembang sandjo bamalam injo dalam lapau lapau rami tiok hari parantian urang lalu linteh parantian bendi djo pedati urang rami didalam lapau iruak pikuaq maso itu namun nan makan makan djuo ado maundjua malapeh panek lah laruik malam mangkonjo lalok baru sunji dalam lapau tedanga bunji karuah urang duo kali ajam bakukuak tjukuik katigo hari siang lah siang tjandoonjo hari mural baktjau ateh kayu djagolah urang dalam lapau pai kasungai tampek mandi alah sudah minum djo makan bakatolah Ma' Hitam kusia bendi.

Manolah tuan Bagindo elok barangkek kito lai sabalun hari tinggi bava mandanga kato kusia bendi masuklah bendi katigonjo sarato dengan barang barang kudo dilatjuik balari kantjang balari dabulu-mandabului labusb rantjak data pulo kan io Bagindo Karudin maliek djalan ka Piaman djalan diapik batang karambia takana parasaitan maso ketek takalo lari dari kampuang baduo djo adiak kanduang takana adiak balahan raso tampak muko djo roman aia mato qurah gumarai laruik pikiran manganakan hilang kamano adiak kanduang manjasa adiak ditinggakan elok den bao pai lari dek buruak huntuang djo bagian batjarai djo adiak balahan badan hilang tak tantu rimbonjo mati tak djalah kubuanjo.

Tjintjin bacamo ganto sori
sesuai sadjo di kalingkiang
hilang kamano kaditjeri
lautan sadjo bakulilang

Balajia kapa ka Bangkahulu
 balabuah tantang pulau Pagai
 takana Parasaian nan dahulu
 aia mato djatuah badarai

Sadang duduak ateh bendi maliek sadjo katapi lauk ombak mamatjah ditapi pantai bunji ombak baibo hati dek lamo lambek didjalan hampia katibo hanjo lai tampaklah rumah mande kanduang tampak djauah ateh bendi hati nan harok harok tjameh harok basuo djo mande kanduang tlameh tidak kabatamu sungguahpun baitu kantjang bendi raso lambek di-Karudin raso ditulak nak lakeh sampai batamu djo bapak mande antah batamu antah tidak kampuang lah lamo ditinggakan anguih djantuang dek taragak lah tibo bendi dihaleman baranti bendi kaduonto turun tjando Bagindo Karudin diliek suok djo kida tampak bapak dari djauah tampak pulo mande kanduang.

Sanang hati sadjuak pikiran diliek mande lah tuo ram-buik nan hitam alah putih djangek nan tagang lah kandua hito maliek ibu djo bapak dituruk mande maso itu marolah mande kanduang hambo iko'ah anak mande kanduang babiling musim tidak pulang maliek rupo nan bak kian heran tatjanganng si Djamilah mato lah baransua kabua djuo dipandang ditantang njato didanga suaro djo tampan baru tabu djo anak njo sanan bakatolah mande Karudin.

Anak kanduang Bujuang Karudin lah gadang anak kanduang hambo mande lah tuo hang tinggakan dipaguih anak ditangisi aia mato badarai darai bak mantak putuik tallito bak intan putih pangerang dibeo pulang karumah rumah batambah usang sarupo pondok buruak laruik pikiran maliek malang bana mande djo bapak mabuak dihuntuang perasaian tidak ado manaruah sanang hiduik mularaik sampai tuo.

Ado sabanta antaronio tibo pulo bapak kanduang mano hang Bujuang Karudin kini malah awa hang pulang lah putih mato mamandangi sadjak ang badjalan dari kampuang kami nan tidak elok lai rintang rintang sakik sadjo mano adlak si

Sjamsiah io si upik si Sjah dimano hang tinggakan mangapo tidak hang bao bari luruih hambo batanjo lai hiduik injo kini awak hang baduo badjalan kini pulang surang sadjo mandanga kato bapak kandung manangih si Sarinam manangih mangaruang pandjang menggigia manahan hati.

Partamuan.

Fasal VII

Manolah bapak djo mande ikolah anak mande nan banamo si Sjamsiah takalo kami maso ketek aka kurang pikiran-pun singkek kami badjalan djo adjo Karudin sampai kami katanah Padang hambo manompang djo Sarlanun padusi bapak Pasisia tantang dari adjo hambo tuan kandung adjo Karudin injo karadjo djo angku Djaksa sampai dibaonjo ka Palembang.

Sadjak salaruik di Palembang sakali sadjo mandapek surek sampai kini tidak ado malang takatjak dibadan hambo lapau tabaka dimakan api tabaka pasa kampuang Berok rumah habih mandjadi baro labiah sabulan tidak balapau dibao hambo katanah Medan ditjurai dipapakan samuonjo sampai mati Sutan Pasisia mati dirantau nagari Medan.

- Lorong kapado untuang anun bini dek bapak pasisia sadjak lakinja mati tabaliak pikiran maso itu takana mudo maso dahulu gilo bamain djo budjang budjang tidak ado tingga dirumah hambo mintak mandjadi babu babu Ulendo ka Batawi dibaonjo hambo katanah Djawa limo tahun hambo di Batawi karadjo mandjadi bahu Ulendo.

Takalo njonja ka Bandusung tingga hanjo kami baduo hambo dipudjuak Ulendo nantun disuruah balaku serong diadjak balaku djabek matonjo dipaliangkan setan hatinjo lah didajo Iblis lakunjo serupo musang djantan hambo dipaso djo kakarasan dipakok arang djo tangannjo untuang dapek pisau tju-

kua pisau tadjam sudah pambukau hambo keroh paruik gandinganjo hambo turiah sampai kabalakang kalua paruik pandjang badan balumua dengan darah sorangpun tidak urang nan tahu.

Hambo badjalan balari tjapek sampai karumah mak Sariah urang sibuk mantjari hambo upeh polisi kota Batawi hambo tukari namo hambo banamo si Sarinam supajo pamarentah tidak tahu kampuang dialiah ka Djawa Tigua hambo pandat bahaso djawa hambo ditolong mak Sariah diakui anak kanduang injo sorang tidak urang tahu babaso hambo urang Minang urang manjangko urang Djawa sampai balaki djo Bagindo Karudin.

Tidak den sangko dunsanak kanduang kato sampai injo-pun pansan tidak tahu didirino karano menahan hati mandanga tjurito siti Sjamsiah tatjangang Bagindo Karudin mandingin badan maramang kuduak ruponjo Sarinam adiak kanduang balaban diri ruponjo takawini diadiak kanduang.

Lah malang bana badan diri tepatjak paluah badan paluah malu kamiluan kok tahu urang kampuang babaso babini djo adiak kanduang badan bagala Bagindo Rutiang.

Tidak alu saalu nantun
 alu tasanda ditabiang
 kok tasanda dibatuang
 buliah disaok djo daun tabu
 tidak malu samalu nangko
 malu tatjoreng dikaniang
 kok tatjoreng dipungguang
 buliah disaok-i djo badju

MILIK PERPUSTAKAAN
 BALAI BAHASA PADANG

Tanah lijek bakapijek
 diimpok tanah badarai
 babaua djo tanah lunak
 tidak diliek lah diliek
 tidak dirasai lah dirasai
 urang kawin bedunsanak

Bumi dipidjak raso taban langik didjundjuang raso runtuah lorong kapado ibu bapak tatjangang sadjo kaduonjo tidak dapek akan disabuik bana hilang akapun hilang sudah takadia garak Allah suratna dirahim bundo.

Kan io mak Sarijah urang tjadiak sadjak dahulu biasa tingga dinagari rami tidak injo hilang aka tabu ditipu muslihat.

Bakato injo mak Sarijah manolah kito samuonjo sabalun urang balun tabu balun tabatiak tabarito urang nan lain tidak mandanga elok dibuhua dalam hati katokan Sjamsiah kamatian laki dibao pulang dituonjo usah dikatokan laki bini malu kito diurang banjak muntjuang tabuah buliah dipakok muntjuang urang dipangakan mandanga kato nan bak kian galak tasanjum ibu djo bapak lapang dadonjo Bagindo Karudin sanang pikiran siti Sjamsiah.

Bakato siti Sjamsiah kalau baitu kato amak itu kato sapananjo kalau mambuhua usah mambuku kalau mauleh usah mangasan malu kamano disuruakkan kan io samaso itu karumeh urang suok kida manjilau si upiak si Sjamsiah sarato si Bujuang Karuik banjaklah urang tanjo batanjo tentang tampaik parantauan.

Bakato Bagindo Karudin kami marantau di Batawi manglang huntuang si Sjamsiah mati lakinjo di Batawi injo baranak saurang itu anaknjo dipaluak mande anak padusi ketek baru tidak maliek rupo ajah kini mandjadi anak jatim itulah sabab dibao pulang pulang kakampuang Pariaman mandanga kato nan bak kian bakatolah urang nan banjak sudah huntuang takadia Allah sakitu baru pabauran ado pulo nan batanjo urang mano suami Sjamsiah ialah bapak si upik ketek.

Mandjawab siti Sjamsiah orang Padang Lubuak Bagaluang samo marantau di Batawi katonjo siti Sjamsiah urang kampuang pitjejo sadjo tidak saurang nan tabu babaso balaki djo adjonjo tapabini adiak kauduang mambungkuik tidak tampak mauleh tidak mangasan mambuhua tidak mambuku untuang pulo anak Sjamsiah anak ketek sirah baru batutua sabuah sabuah diaadja bamamak kabepakonjo.

Sadjak samulo dari Palembang hari nan tidak tabuang di gantilah rumah nan usang dibuekkan rumah nan baru rumah gadang baatok seng dinding sabalik dari papan baukia bamego mego djandjang batembok djandjang batu pintu babari tjamin katjo langkah baterali baalua alua barapo upahnjo tidak ditupang asa kahandak lai kabalaku.

Dibali pulo parak karambia tabali sawah djo ladang tabali pulo parak gadang tatabuib gadaian nan lamo lah kajo Bagindo Baka lah sanang siti Djamilah tiok bulan manjabik mande duduak djo sukatan.

Lorong kapado Bagindo Karudin injo babini ka Sungai Sirah anak gadih mande Rabbiah anak kanduang Saidi Raman urang kajo suduik basunduik kalau diliek padja nantun badannjo putiah tinggi samapai awak rantjak muluik manih ka sajanggan urang kampuang banjak bakawan samo gadang namo hampia sanamo djo Saudah padusinjo nan mati di Palembang hilang Saudah baganti Sadijah manuruik kaba kato urang tidak lamo antaronjo Sadijah dibao ka Palembang diantakan mande dengan bapak.

Birauari Siti Sjamsiah ado sabulan antaronjo rumah kudah injo balaki balaki djo Saidi Tamam mandjadi kapalo dalam nagari urang tapandang dalam kampuang pandai manenggang anak buah urang tjadiak tjandakio tahu maukua mandjangkokan kok ado silang salisiah dibao urang ka Saidi Tamam indak ado kusuik indak kasalesai tak ado keruah tak kadjajiah sanang hati Siti Sjamsiah dek pandai mak Sariah sampai mati Sariah didjago djuo kaganti mande sorang lai.

Lorong kapado Bagindo Kaba sarato bininjo Djamilah sadjak pulang anak kanduang sananglah hati sadjuak pikiran hilang rupo nan dahulu badan batambah semok mukonjo barausua dijilab barastiah roman dipandangli to djuo bak kato urang

Batu sangka balantai batu
 parak djua labuah basilang
 badan sapantun bola lampu
 kurang minjak tjahajo bilang

Anak basjo dimandikan
 mandi disumua pulau kidjang
 bakusuak daun buah palo
 sedang nak io diantikan
 kok lai umua samo pandjang
 difain hari diulang pulo

Kalau ado djarum nan patah
 usah dilatakan dalam padi
 latakan sadjo dipamatang
 buliah pantjukuia tjukia duri
 Kalau ado kato nan salah
 usah dilatak dalam hati
 latakan sadjo dibalakang
 usah mandjadi upek pudji

Alang Lawas Padang
 15 Djuli 1919

S j a m s u d d i n
 S t . R . E n d a h

TAMMAT

899

1